

Aire zabaleko pintura azkarren XXXI. lehiaketa

Arabako Foru Aldundiko Kultura eta Kirol Sailak Arabako jaien ospakizuna dela-eta aire zabaleko pintura azkarraren XXXI. lehiaketarako deialdia egin du.

Izena ematea

Lehiaketaren egunean bertan, **2026ko maiatzaren 1ean, eman ahal izango da izena, 09:00etatik 10:00etara, Estibalizko Andra Mariaren Santutegiko Harrera Zentroan**, eta bertara eramán beharko dira euskarriak, zigitua jartzeko.

Era berean, **11:30ean, haurren modalitaterako (16 urtetik beherakoak)** izen-emateen **bigarren txanda** bat antolatuko da. Hala ere, parte-hartzaileek lehen txandan egin ahal izango dute izen-ematea.

Euskarriak zurrúnak eta bete gabeak izan behar dira. Parte hartzaile bakoitzak nahi beste lan aurkeztu ahal izango du.

Teknika, gaiak eta materialak

Estiloa eta teknika libreak izango dira; gaiak, berriz, Santutegiko inguruarekin edo monumentu multzoarekin izan beharko du zerikusia. Lanak maiatzaren 1eko 13:00etatik 14:00etara aurkeztu beharko dira, izenpetu gabe, Santutegiko Harrera Zentroan.

Parte-hartzaileek beharrezko materiala, bastidorea edo euskarri zurrúna, mihisea, papera eta epaimahaiaren deliberazio eta epaitza bitartean obra erakutsiko den astoa ekarri beharko dute.

Epaimahaiaren osaera

Epaimahaia arte plastikoekin zerikusia duen pertsona garrantzitsu batek osatuko du, eta Kultura eta Kirol Sailak izendatuko du.

Otsailaren 18ko 4/2005 Legeak, emakumeen eta gizonen berdintasunerakoak, 20.5. artikuluan xedatutakoa betez, sari hau emateko sortutako epaimahaiak emakumeen eta gizonen osaera orekatua izango du, eta eduki beharreko gaikuntza, gaitasuna eta prestakuntza edukiko dute kideek. Lege horren beraren arabera, ordezkaritza orekatua dela ulertuko da, baldin eta lau kide baino gehiagoko epaimahai eta antzeko organoetan bi sexuek gutxienez ehuneko 40ko ordezkaritza badute; gainerakoetan, bi sexuak ordezkaturata badaude.

Epaimahaiak sariak eman gabe utzi ahal izango ditu, bere iritziz, lanek ez badaukate behar besteko arte baliorik.

Epaimahaiaren ebazpenaren kontra ezingo da errekurtsorik jarri.

Sariak

Honako sari hauek ezartzen dira eskudirutan:

Lehenengo saria	1000 euro
Bigarren saria	500 euro
Hirugarren saria	350 euro

Laugarren saria, **haur modalitatekoa**, 16 urte baino gutxiagokoentzat da. Saria **150 euroko opari-txartel** bat izango da, **Elkarreko dendetan** truka daitekeena, urtebeteko balioarekin.

Dirutan ematen diren sariak dagokien atxikipena izango dute, Pertsona Fisikoen Errentaren gaineko Zergaren indarreko araudia aplikatuz.

Saritutako lanak Kultura eta Kirol Sailaren esku geratuko dira, eta egileek haien gaineko jabetza eskubidea galduko dute.

Irabazleek obrak erabiltzeko eskubideak lagatzen dituzte, bai eta obrak osatzen dituzten zatiak ere, Arabako Foru Aldundiak erabil ditzan. Saritutako lana erabiltzeko eta ustiatzeko eskubideen lagapen hori edozein formatutan erabili ahal izango da, edozein bitartekoren bidez hedatzeko.

Erakusketa

Lehiaketara aurkeztutako lan guztiak lehiaketaren egunean egongo dira ikusgai, 14:00etatik 16:00etara, Estibalizko Andra Mariaren gunean, antolatzaileen ustez egokiena den lekuan.

Sariak banatzeko ekitaldia

Ekitaldia lehiaketaren egun berean egingo da 16:00etan, Santutegiko Harrera Zentroan.

Irabazleek sariak banatu ondoren sinatuko dituzte beren lanak.

Sarituaren zerrenda webgune honetan argitaratuko da: <https://www.kulturaraba.eus/eu/gaurkotasuna>

Lanak itzultzea

Erakusketa amaitu ondoren jaso ahalko dira lanak.

Erakusketa amaitu eta hurrengo egunetik hiru hilabeteko epean jaso ez diren lanak Arabako Foru Aldundiaren esku geratuko dira.

Oinarriak onartzea

Lehiaketan parte hartuz gero, partaideek berariaz onartzen dituzte oinarri guztiak.

Arabako Foru Aldundiko Kultura eta Kirol Sailak baino ez du deialdian sor edo ager daitezkeen auzi guztiak ebazteko eskumenena.

Indarreko araudia aplikatuko da, eta, zehazki, gizonen eta emakumeen berdintasunaren arau esparrua, Euskal Autonomia Erkidegoko otsailaren 18ko 4/2005 Legean eta martxoaren 22ko 3/2007 Lege Organikoan jasotakoa.



argibide +

XXXI CONCURSO DE PINTURA RÁPIDA AL AIRE LIBRE



Ganador 2025: Carlos Espiga Alonso

Fiestas de Álava

San Prudencio y Nuestra Señora de Estíbaliz

2026

